

Prof. dr. Radivoj Jadrić

Dr. sci. med. Radivoj Jadrić, redovni profesor, specijalista medicinske biokemije, rođen je 16. 07. 1966. godine u Sarajevu, gdje završava osnovnu i srednju školu, te Medicinski fakultet. U toku rata angažiran kao liječnik Armije RBiH, dobio je priznanje „Zahvalnica sa zlatnim ljiljanima“ općine Centar, Sarajevo. Magistarski rad „Značaj β -endorfina u procjeni efekata psihofarmakoloških lijekova“ obranio je 2001. godine, te doktorsku disertaciju „Uticaj željeza, feritina i C-reaktivnog proteina u procjeni statusa lipida i lipoproteina“ 2006. godine.

Pored stručnog/naučnog obrazovanja u zemlji i inozemstvu, učestvovao je u srednjoškolskom (Srednja medicinska škola Bjelave) i visokoškolskom nastavnom procesu na svim ciklusima univerzitetskog/sveučilišnog obrazovanja (Sarajevo, Tuzla i Mostar), i bio član naučnih/stručnih komisija na univerzitetima/sveučilištima, te na nivou Ministarstva zdravstva (Kanton Sarajevo, Federalno ministarstvo zdravstva FBiH). Učesnik je 11 domaćih i međunarodnih projekata, koautor 14 knjiga, 34 naučna i 2 stručna rada, i autor/koautor preko 60 saopštenja na kongresima i stručnim/naučnim skupovima.

U rukovodstvu je nekoliko naučnih i strukovnih udruženja (predsjednik Udruženja medicinskih biohemičara u BiH; jedan od osnivača, raniji sekretar, te ambasador za nauku, a trenutno član Upravnog odbora Udruženja biohemičara i molekularnih biologa u BiH; jedan od matičara Udruženja bazičnih medicinskih nauka FBiH).